



Broj: 226/23
Ilijaš, 03.02.2023. godine

Na osnovu člana 17. stav (2) Zakona o javnim nabavkama ("Službeni glasnik BiH" broj: 39/14 i 59/22), člana 4. stav (2) i (3) Pravilnika o javnim nabavkama roba, usluga i radova u JKP "Vodostan" d.o.o. Ilijaš, broj: 732/22 od 8.4.2022. godine i člana 33. Statuta JKP "Vodostan" d.o.o. Ilijaš („Službene novine KS“ br. 10/06) direktor preduzeća d o n o s i:

ODLUKU

o usvajanju Plana nabavki JKP "Vodostan" d.o.o. za 2023. godinu

Član 1.

JKP "Vodostan"d.o.o.Ilijaš (u daljnjem tekstu Ugovorni organ) u skladu sa članom 4. stav 1. tačka b) zakona o javnim nabavkama ("Službeni glasnik BiH" broj: 39/14 i 59/22) i sa članom 4. Pravilnika o javnim nabavkama roba, usluga i radova u JKP "Vodostan" d.o.o. Ilijaš, utvrdio je stvarne potrebe za nabavkom roba, radova i usluga za 2023. godinu. U skladu sa Finansijskim planom preduzeća u 2023. godinu, a s ciljem osiguranja roba, radova i usluga za obavljanje poslova iz djelokruga rada Ugovornog organa, donosi se Plan nabavki za 2023. godinu koji sadrži podatke o predmetu nabavke, evidencijskom broju nabavke, procjenjenoj vrijednosti nabavke, vrsti postupka javne nabavke, planiranom početku postupka, načinu ugovaranja (ugor ili okvirni sporazum). Sastavni dio Plana nabavki za 2023. godinu je i Privremeni plan javnih nabavki, te sve izmjene i dopune Privremenog plana javnih nabavki za 2023. godinu.

Član 2.

Ovlašćuje se direktor preduzeća da može promijeniti vrstu postupka kao i procjenjenu vrijednost nabavke na osnovu obrazloženja zasnovanog na ekonomskim ili drugim pokazateljima kao što su znatnije promjene cijena u odnosu na cijene u vrijeme procjene vrijednosti nabavke, smanjenje ili povećanje količina u skladu s izmjenjenim okolnostima i slično, a što će biti regulisano kroz provođenje postupka izmjene i dopune Plana nabavki za 2023. godinu.

Član 3.

Za sve nabavke predviđene ovim Planom, obaveza Ugovornog organa je donošenje Odluke o pokretanju postupka nabavke u formi i sadržaju u skladu sa članom 18. Zakona o javnim nabavkama i članom 6. Pravilnika o javnim nabavkama roba, usluga i radova u JKP "Vodostan" d.o.o. Ilijaš i stvaranja ugovornih obaveza u preduzeću. Ako određene nabavke nisu mogle biti predviđene ovom Odlukom o pokretanju postupka i Planom javnih nabavki, a koje su iz različitih opravdanih razloga postale neophodne, direktor preduzeća će donijeti Posebnu odluku o pokretanju postupka javne nabavke u skladu sa članom 17. stav (3) Zakona o javnim nabavkama.

Član 4.

Ovlašćuje se direktor preduzeća da provede sve procedure javnih nabavki po Zakonu o javnim nabavkama u skladu sa Planom nabavki roba, usluga i radova za 2023. godinu, na ovaj način će se osigurati:

1. Najefikasniji način korištenja sredstava s obzirom na svrhu i predmet javne nabavke.
2. Izvršenje nabavke i dodjeljivanje ugovora o javnoj nabavci, u skladu sa postupcima utvrđenim Zakonom o javnim nabavkama i podzakonskim aktima.
3. Preuzimanje svih potrebnih mjera kako bi se osigurala pravedna i aktivna konkurencija među potencijalnim dobavljačima uz ostvaranje jednakog tretmana, nediskriminacije i transparentnosti.

Član 5.

Sredstva za realizaciju Plana javnih nabavki obezbjeđena su u skladu sa Finansijskim planom preduzeća za 2023. godinu, te se Plan javnih nabavki za 2023. godinu donosi u skladu sa istim i zadužuje se Referent za javne nabavke da provede postupke javnih nabavki na osnovu usvojenog Plana javnih nabavki, u skladu sa Zakonom i dostavljenim zahtjevima i potrebnom dokumentacijom organizacionih jedinica za koje se vrši predmetna nabavka.

Član 6.

Ova odluka stupa na snagu danom donošenja i ista će se sa Planom javnih nabavki za 2023. godinu objaviti na web stranici JKP "Vodostan"d.o.o.Ilijaš (www.vodostan.ba) u roku od 30 dana od dana usvajanja Finansijskog plana kojim se odobravaju sredstva za nabavke.



Belma Zukić, dipl. iur.

Dostaviti:

- Direktor,
- Web stranica Ugovornog organa,
- a/a.